

Takurda-o Burus o wu gene yan-dor Yeso n-me bo-o o-Piripi

Rem-se ro n-me à:

M-zantɛ 1:1-11

Rem-ɔs Burus se un hi un de un wu 1:12-26

M-hoog n-me un Kiristi 1:27—2:18

Zonge-ut Burus rem Timoti ne un Eparaditus
2:19-30

Ur-kewes un ma-to un ya-ut-yage o-darem ne
3:1—4:9

Burus un nay un wu ne wu un bo-o o-Piripi
4:10-20

Ur-kom 4:21-23

Ur-gas

¹ Me, Burus un **Timoti** ne yan-guw-m Yeso **Kiristi**,* ro no m-gas, kap no ye ro n-me un bo-o o-Piripi à, ye gokse Yeso **Kiristi** à. Komo te m-gas un yan-gut-de un **yan-dor Yeso**, un yan-m-senge ne.† ² Me un kon-se Shir Tato na un Wan-Koyan ne Yeso **Kiristi**, wu 'ye no ur-ho un gwugwu-mo ur-hur ne.

Bom un Shir un kon-se Shir ne

³ Ko o ke da-o um nome us-barag un no ne, me un bom un Shir rem no. ⁴ Da-o um nome us-kon be-de Shir rem no à, zak-o ro me m-re myet. ⁵ Bo un ka ho-de no gokse ma-ut Yeso à, no sengute

* **Bor-o gaan:1** 1:1 Wu Shir daagne à. † **Bor-o gaan:1** 1:1 Hyen komo: Seng 16:12.

m-mosse ut-hi un me ne, un ko'ote un hun-ne ka **Ma-to m-Rerem** to ne, har m-moka. ⁶ Um nepse Shir wu takne nom un rii-yo ur-bon un n-me un hur-ut no à, wua senge m-nom har wu komot kap, da-o Yeso **Kiristi**, muune be-ur na komo à.

⁷ Komo hond hond o um hoge bo um hoge un no ne à, o rwo'e mettu no m-hwo ur-keer, remen no ro un mosse ut-hi un me ne, un rwor un ka **Ma-to m-Rerem** to, to Shir ya'su me m-rur à. Da-o um ro ke'o à, no mossute ut-hi. Komo da-o um ro be-de un yan-piish ut-ma à, um shereg o-nip un rwor un ka **Ma-to m-Rerem** to un kute un hun-ne ka **Ma-to m-Rerem** to nip-to.

⁸ Um waste un no ne deen, hyange bo **Kiristi**, Yeso wasse deen un no ne à. Shir nepse ma-ut re nip-o.

⁹ Yo ka yo me us-kon be-de Shir rem no, remen no sengute m-was un or no ne arge bo no nome n-ga à. Me us-kon no bo'ose us-nap se Shir us-weer ne, ¹⁰ komo noa hoks m-daag yo jiiše à un be-de yo ur-bon un yo ba ur-bon ne. Komo no waragte kashi un hun-ne, no nom rii-yo hun-ne hette no m-pyap á, har da-o **Kiristi**, muune à. ¹¹ Um konog bo hoog-m no un hur-ur no ne he m-do m-kashi à, un beeb-ur Yeso **Kiristi**, kap yo ka yo me us-kon remen da-o hun-ne nape unze no us-barag no nom kaane, yea 'ye Shir m-sek, ye bum wu.

*Ke'et-m re doog ko'ot
un ka Ma-to m-Rerem to*

¹² Or re ne, yan-dor, um conog no nep rii-yo nomu me à un ka ho-to, yo zwop ka **Ma-to m-Rerem** to á, amba hun-ne deen gokste ma-ut Yeso. ¹³ Ke'et-m re rwo'og karma-ne, ye ro ur-'er de un den-o ut-gwomo à, un ye ken ye ne kane m-nap unze me wan-dore un Yeso **Kiristi** wu.‡ ¹⁴ Remen ke'et-m re, rwo'og yan-dor Yeso deen bo'osute un jaab-o ut-men. Komo ye doste o-gyer un rwor un Ma-to Shir.

¹⁵⁻¹⁷ Nip-o, ye ken ye ro m-ko'ot un ma-ut **Kiristi**, remen ye ro ur-shoob. Ye ko'ote ma-ut Yeso un con-mo ur-hur, ye ro m-con um su ur-koob ke'o à. Amba ye ken ye ko'otte ma-ut **Kiristi**, un hur-ur gaan, ye ka, ye ro m-ko'ot remen ye conog me, komo ye nepste Shir rwo'og me kaane a kutute hun-ne unze ka **Ma-to m-Rerem** to nip-o. ¹⁸ Ko m-was! Me o-zak remen kaane ko yo ke cow-yo, hun-ne hoge ma-ut **Kiristi**. Ko ye ken ye ko'ot un hur-ut yoor, ko ye ken ye ko'ot un hur-ur gaan, um hogute o-zak, remen hun-ne hogute ma-ut **Kiristi**.

Komo man nom o-zak, ¹⁹ um nepse a ho'osu me remen kon-us no be-de Shir, komo un gwu ne o rwuune be-de un Kukt-o Yeso **Kiristi** à. ²⁰ Duw-de un con-m re un saktore ne um re ur-ho ba m'e un senge-mo Shir ko o ke da-o, um kum beeb-de us-rwun, remen m-moka un ko o ke da-o ne, **Kiristi** wua hoge me un sek-mo un wu, ko um nom hoog, ko um mer. ²¹ Hoog-m re ro myet be-ut **Kiristi**, me ro un hoog ne, me mere, komo jiishte be un de. ²² Man hoks o ka m-nap yo m-

‡ **Bɔr-o gaan:13** 1:13 Hyen komo: Seng 28:30.

daag á. Urege me un hoog ne, man senge senge-mo m-nom un rii-yo depe à. ²³ Hur-ur un de wongute be-ut yoor. Um conog deen um mer um waragte be-ur **Kiristi** jiište me kaane. ²⁴ Amba me ro kane be-ur no un hoog ne jiište rem no. ²⁵ Um nepse jiište ur-bon rem no me ro un hoog ne, man she'et un no ne, a doto no ha co, komo no nom o-zak, no sher be-de Shir, ²⁶ remen me ro be un no ne komo noa kum 'wons-mo un bop un Shir o-zak ne un dore un Yeso **Kiristi** ne, komo no nom us-ses rem re.

²⁷ M-moka rii-yo jiište à, nom no bo **Ma-to m-Rerem** to ma **Kiristi**, cone à, ko um habe m-hyen no, ko me habe á, man hoge no eks m-'wons ne, kang-o gaan, komo cow-o gaan no ine eso remen ye cone naas un ka **Ma-to m-Rerem** to à. ²⁸ No hoge gyer-o un yan-yage-ut no á. Es no m-'wons ne ko o ke da-o. Nom un kaane, noa kute ye unze Shir a saburse ye. Amba wua gu no remen Shir no a deet no n-ton. ²⁹ Um zeeg yo ka, remen Shir ya'ag no da-o un goks un ma-ut **Kiristi**, komo Shir ya'ag no o-da no su ur-koob un wu ne. ³⁰ M-moka no un swo ur-koob, bo um swoo n-ga à, komo no hyanag un hi un no. Komo m-moka no hogute unze har m-moka me un senge-mo un swoo un ka koob-de ke'o.§

Bor-us yoor

Ma un gwugwer-mo hi-ur Yeso

¹ Remen **Kiristi**, ya'ag no jaab-o ut-men, komo wu hamat no, remen no un morge-de ur-bon un

§ **Bor-o gaan:30** 1:30 Hyen komo: Seng 16:19-40.

Kukt-o Shir ne, komo un hoge 'won-ur or un no ne, Yeso ro ur-'won ne, wu conog no komo. 2-4 Barag-us no us-gaan, con-m gaan, komo hur-ur gaan. No nom con-to ur-hi á, ko us-ses. Amba ess no ur-hi gwerger un or no ne. No gwot no jiište net á, amba gwot no unze a jiište no. Gwot no or no ne, ba hi un no cot á. No nome yo ka, zak-o a ho me:

⁵ Barag-us no nom untun se ma Yeso **Kiristi**, kaane:

⁶ Ya wu ro gaan un Shir ne,
amba wu dek hi un de un wu hond hond un
Shir ne á.

⁷ Amba wu muute hi un de un wu hwaa,
wu warguru ko-guw untun net.

Komo bo wu haante à, un wur-o un net,

⁸ wu gweregsuru hi-de un wu.

Komo wu nomuru o-dorotte o woote wu m-mar
à,
n-ton o-kan.

⁹ Remen wu nomog kaane, Shir jakste wu
un be-de jiiše à,
wu sagburu wu ut-gwomo to jiiše
ko to ke gwomo-to à.

¹⁰ Shir un nom kaane, remen ko se ke rwun-se a
kwukt,
se 'ye Yeso m-sek,
ko n-ton, ko n-dak, ko ne n-me o-dak.

¹¹ Ko wu ke ne a zee,
"Yeso **Kiristi** ro Wan-Koyan,"
nom un kaane, a hante m-seps be-de Shir
Tato na.*

* **Bor-us yoor:11** 2:10-11 Hyen komo: Isha 45:23 (ut-Girik).

M-cecas untun yege-regen

¹² Or re ne, yan-dor, ma nɔ Yeso, dorotte-o nɔ rɔ m-nɔm da-o ʉm rɔ be-ʉr nɔ à. ʉm conog m-moka dorotte-o nɔ jiish o n-ga. She'et nɔ kaane, remen nɔ ye'et Shir ʉt-gos, ʉn gyer-o ʉn wʉ remen wʉ guug nɔ. ¹³ Remen Shir rɔ ʉn senge-m ʉn nɔ ne, nɔ cʉn m-nɔm ne, komo nɔa hoks m-nɔm rii-yo wʉ cone nɔ nɔm à.

¹⁴ Nɔm nɔ kɔ yo ke rii-yo ba ʉs-cenene, ko sʉne-mɔ ʉt-ma. ¹⁵ Bɔ hur-ʉt nɔ he ʉt-pus tɔ, ba ʉt-reeb, nɔ warag kashi ʉn yakar-ye Shir n-tete o ʉn yan-hur-ʉt rim-tɔ ʉn kaane yea hyen nɔ m-cecas ne untun yege-regen kyarkyar n-te o-comb.† ¹⁶ Nɔ kɔ'ot ka ma-tɔ rɔ ʉn 'ya m-hoog à, remen ʉm nomot ʉs-ses rem nɔ, ʉm nept senge-m re ja m-hɔ á, ʉn hɔ-de **Kiristi**, he m-muun à.

¹⁷ Amba kɔ a duus me untun rii-yo m-swɔ yo ʉr-**seke** ʉn guw-mɔ rɔ m-rwuun ne be-de ʉn sher-m nɔ à, me m-hoge m-rerem o-zak ne ʉn nɔ kap.

¹⁸ ʉn remen kaane nɔ ma nɔm nɔ o-zak ʉn me ne.

Timoti ʉn Eparaditus ne

¹⁹ Me o-saktɔ ʉnze Wan-Koyan Yeso a toso me m-tombe **Timoti** ba ʉn naas o-da be-ʉr nɔ, remen wʉ ye'et me jaab-o ʉt-men, da-o wʉ waktune komo wʉ ruru me rii-yo ʉr-bon yo nɔ m-nɔm à. ²⁰ Yatt-wʉ arge wʉ kane be ʉn de á, wʉ conu nɔ untun **Timoti** á. Hur-de ʉn wʉ rɔ co co be-ʉr nɔ. ²¹ ʉm zeeg yo ka remen kɔ wʉ ke wʉ conog hi ʉn de ʉn wʉ, hur-de ʉn ye rɔ co co be-ʉr Yeso **Kiristi** á. ²² Amba nɔ nepste **Timoti**

† **Bɔr-ʉs yoor:15** 2:15 Hyen komo: Kara 32:5.

kutute hun-ne unze wu bo'oste. Bo wa ro un nom m-senge un tato un wu ne a, wu ko'ote ka **Ma-to m-Rerem** to un me ne. ²³ Me o-sakto, man tombe wu, da-o um nape be-de um ro a. ²⁴ Um nepste un hur un de, o ka: Wan-Koyan a gu me komo man habe be-ur no ba un naas o-da.

²⁵ Amba um waksute hur un de, ur-takan, man tombe or re wan-dor, Eparaditus, wu waragbe be-ur no. Wu nomog m-senge un me ne, un rwor un ka **Ma-to m-Rerem** to. Komo wu rangute un me ne be-de yan-yage-to un Ma-to Shir. No tomonte wu rem no, komo wu haante, wu guug me un yo um cone a. ²⁶⁻²⁷ No hogute unze wu piishe a, har wu ba'aste m-mar. Bo wu nape unze no hogute wu piishe a, hur-de un wu nassute. Wu con no naas ur-hur remen wu a. Man tombe wu remen hur-ur no gwurute. O-nip, wu ro piishe a. Amba Shir wu yage wu meret a, Shir muuntute wu kerker. Ba wu Shir kute ur-won cot a, amba un me ne. Wu con me um kum penem-se un men-ut rim-to, komo un do o un yo um rotte a ²⁸ O hante um tunut deen um tombe wu waragbe be-ur no, remen no hyenet wu, komo no nomot o-zak, komo barag-us re hept. ²⁹ Remen kaane, goksbe no wu o-zak ne un cow-yo Wan-Koyan he m-con no nom a. 'Ya no wu m-sek komo un ye ken ye ne untun wu, ³⁰ remen wu ba'aste m-mar remen senge-m **Kiristi**, un jore un hi-de un wu. Wu un nom yo ka remen wu guut me bo noa hoks me m-nome a, remen no ro kane a.

Bor-us tet

Me sher un senge-m re á

¹ Ko ya nɔmɛ, ɔr re nɛ, yan-dor. Yeso um kɔnɔg Wan-Koyan wu 'ye nɔ o-zak un rii-yo nɔ m-nɔm à. Man ker un gene un nɔ tomso nɛ, rii-yo um ro genetɔ na n-ga á, remen yo he nɔ m-gu be-de yan-raks-ut nɔ. ² Inɛ nɔ eso un go un ka hun-nɛ ye rɔ sa o zee yege-sakra à, ye rɔ shiishe un men-ut jaas-to à, un ye rɔ un ceturu ut-wur nɛ à, ye zee se a kɔog nɔ, nɔ kumut gwu.

³ Ye rɔ m-zee ye rɔ hun-nɛ ye Shir*, amba na rɔ hun-nɛ kashi-ye Shir, remen **Kukt-o Shir** rɔ na m-gu un bongon-de Shir, komo te shereg un rii-yo **Kiristi**, Yeso nɔmɛ à. Te us-sɛs un rii-yo Yeso nɔmɛ à, a sher un yo a nɔmɛ a hante á. ⁴ Nɔ nepste unze man hoks m-wos ur-be remen rii-to nɔmɛ untun ur-kɔ à. Amba me nɔm á. Urege ye ken ye rɔ us-sɛs remen rii untun ur-kɔ, um conog ye m-kute unze um aragsute ye. ⁵ Ho-ur aeere-de un mat-o re, a kɔog me, bɔ Shir rure ya-n-ga-ye à. Me ko-**Isra**-wu, komo un baag-o **Banyamin**. Me ko-**Ibra** wu zak. Me ko-**Parisa**-wu, remen kaane, me o-dorotte o un **karamsa**-o te, o un **Yahuda**-nɛ hond hond.† ⁶ Um ya'ag **yan-dor Yeso** ur-kɔob remen men dor o o-**karamsa** kom-ut yoor. Me m-zee kɔ net kashi um ro remen me m-dore myet rii-yo **karamsa**-o zee à. Me ku kɔ o-gaan á.‡ ⁷ Ka rii-yo um ro m-zee yo ro me m-gu à, m-moka um nepste myet hwaa-o, remen um nak rii-yo **Kiristi** nɔmɛ à. ⁸ Komo um nepste

* **Bor-ɔs tet:3** 3:3 hun-nɛ ye Shir ut-Girik: ya-ur-kɔ. † **Bor-ɔs tet:5** 3:5 Hyen komo: Roma 11:1; Seng 23:6; 26:5. ‡ **Bor-ɔs tet:6** 3:6 Hyen komo: Seng 8:3; 22:4; 26:9-11.

ko yo ke rii-yo hwaa-o, nap-us Yeso **Kiristi**, Wan-Koyan aragte koyan. M-moka um jorete kap ko yo ke rii-yo n-te o-buse, remen um she'ette un **Kiristi** ne, be-ur gaan.

⁹ Komo um nept me kang-o gaan un wu ne, me m-oog un rii-yo ur-bon yo um nome á ko dorotte-o un **karamsa-o** Shir. Amba um shereg be-ur **Kiristi** wu guut me, remen cow-yo Shir hette na muut tete un wu ne à, se a shereg un wu. ¹⁰ Myet yo um cone à, yo ro um nep **Kiristi**, komo um nept beeb-de 'yonse wu un hoog à. Um hokste m-yoos un swo ur-koob un wu ne, um waragte untun wa o-dorotte har o wo m-mar à. ¹¹ Remen kaane, un yo ken cow-yo um nept ine-mo un margan-ne.

Senge-mo m-senge um reet ur-ho à

¹² Me zee um nak ko um reeg ur-ho un kap ka rii-yo á. Komo me zee Shir komoste ma-ut re á. Amba me m-senge deen, um waktute kap yo Yeso **Kiristi**, cone um wakte da-o wu daage me à. ¹³ Or re ne, yan-dor, me zee keeg-yo um ro á, untun wu á. Amba rii gaan um cone m-nom kap: um conog to-to ke me yo aragse à, amba um senge un yo ro co à. ¹⁴ Bo wa-ut-mur ro m-senge, wu reet ur-ho be-de ut-mur à, man ru beeb un de kap remen um reet wan-mur-ut re, remen Shir ru'ut me be-de un keeg ne. Um she'ete n-ton be-de Shir remen **Kiristi**, Yeso ya'ag me ur-ho.

¹⁵ Remen kaane, kap no, ye nape rii-yo no ro m-nom à, noa huu ur-hur un ka rii-yo me ut-ma remen yo à. Komo urege no dek ka rii-yo me m-zee á, Shir a gu no m-ceker hond hond. ¹⁶ Amba a

nom n̄o o-d̄or̄ot̄tē ō o-nip̄ ō un̄ yo a rege a yoos̄utē à.

¹⁷ Or re ne, yan-dor, moss̄u n̄o ut̄-hi un̄ ma-ur̄ Yeso **Kiristi**, b̄o m̄e m-n̄om̄ à. Komo n̄o wer ka ye r̄o ur̄-she'et un̄ ḡon ka c̄ow-yo tē yoos̄u n̄o à. §

¹⁸ Remen um̄ russ̄ut̄u n̄o co co n-ga, komo um̄ zeeg yo yish-m̄ yish, ye ken hun-ne ye r̄o k̄on ye r̄o m-n̄om̄ un̄ rii-yo kute un̄ze ye r̄o yan-yage-ut̄ **Kiristi**, w̄u meret n-t̄on o-kan̄ à. ¹⁹ Ur̄-k̄om, Shir a sabur̄se ye remen ye r̄o m-n̄om̄ un̄ rii-yo ye conē à, kut̄-o un̄ ye r̄o Shir ō un̄ ye, ye r̄o un̄ nom̄ us-s̄es da-ō ye nomē rii-yo depe ye hoge m-'ē à. Ye shoostē hi-de un̄ ye un̄ barag-se ḡon hun-ne ye 'yarē Shir à. ²⁰ Amba na, hur-ur̄ na r̄o n-T̄on un̄ shir komo na ur̄-er de un̄ **Wan-Gwu** rw̄untē rēnō Wan-Koyan, Yeso, ka **Kiristi**-w̄u, w̄u Shir sw̄orē o-nu rem na à. ²¹ Da-ō w̄u mūunē w̄ua baramsē wur̄-ut̄ na kan̄e n-dak remen a kumut̄ wur̄-ut̄ pū-t̄o ḡon ō ma un̄ w̄u ō ur̄-beeb̄ da-ō Shir 'yonsē w̄u ut̄-marimar̄ à. W̄ua baramsē wur̄-ut̄ na un̄ murē un̄ ka 'w̄ons-m̄o w̄u hettē garamsē un̄ k̄o yo ke rii-yo à.

B̄or-̄us nass

¹ Or re ne, yan-dor, um̄ wastē un̄ n̄o ne, komo m̄e o-sakto m-hyen̄et n̄o, hakkurē n̄o s̄engu n̄o o-d̄or̄ot̄tē un̄ Wan-Koyan, n̄o s̄enge m-sher̄ un̄ w̄u, n̄o r̄u m̄e o-zak, un̄ s̄es-̄us ne.

Ma-t̄o m-Rerem

² Etut̄odi un̄ Sin̄ut̄ike n̄o hakkurē n̄o yage m-s̄uunē un̄ ma-ut̄ n̄o, amba ess̄ n̄o ur̄-hi be-ur̄ gaan,

§ **B̄or-̄us tet:17** 3:17 Hyen komo: 1Kor 4:16; 11:1.

bọ nọ rọ yan-dọre ụn Wan-Koyan à. ³ Wan-yen de, ụm kọnọg o gu ka ne'a-ne ye, remen ye ụn Kurement ne, nọmọg m-senge ụn me ne, ụn myet ụn yan-ko'ot ụn **Ma-to m-Rerem** ne, ye ka, Shir geneg jin-to ụn ye ụn takurda-o ụn hoog-mọ ba m-ta.

⁴ Nọm nọ o-zak ụn Wan-Koyan koyanda, komo me nọ m-zee zak-o re nọ. ⁵ Yage myet hun-ne hyen gwugwer-mọ ur-hi ụn nọ, ụn kap yo nọ m-nọm à, remen Wan-Koyan rọon ba ụn naas o-da. ⁶ Nọ họ hi ụn nọ ụn barag-se ụn rii á. Amba ruru nọ Shir rii-yo nọ cone à, nọm nọ us-kon ụn hur-de ur-bongon. ⁷ Nọ senge kaane, Shir a 'ye nọ gwugwu-mọ ur-hur, mọ jiishe napse ụn net à. Wua dossu nọ rii-yo rangsu nọ à, remen nọ shereg be-ur Yeso **Kiristi**.

⁸ Ụn tọ ka ma-tọ, or re ne, yan-dor, ụm conog nọ ess hur-ut nọ ụn kọ yo ke rii-yo rọ: o-nip à, rii-yo depe à, rii-yo rọ kashi à, rii-yo rọ ba m-kukop à, rii-yo hun-ne he m-was à, yo a he m-rwor **Ma-to m-Rerem** à, rii-yo jiishe ur-bon à, ụn rii-yo wọọ ur-bongon ne à. ⁹ Nọm nọ myet yo ụm yoosu nọ à, ụn yo nọ gokse ne à. Kọ yo nọ hoge be ụn de à, kọ yo nọ hyane me m-nọm à. Nọm nọ gon kaane, Shir wa-m-'ya ụn gwugwu-mọ ur-hur, wua she'et ụn nọ ne.

Me ur-bongon ụn yar-m nọ

¹⁰ Ur-kom, bọ nọ bakse ụn me ne à, me ur-bongon deen be-de Shir. Komo bọ nọ hwo me ur-hur à, ụm nepste me ka nọ ut-to á. Amba nọ kum ur-keer nọ kutute me á. ¹¹ Yanze me nọ ụm rure ụn ka ma-tọ remen ụm conog yo ken rii-yo á. Ụm yooste bọ ụm he m-sheer ụn rii-yo

um rotte à. ¹² Um nepste yo koob-ur ro à, komo un yo kwum-o ro ne à, um yooste bo um he msher un ko yo ke rii-yo koru me à, ko me un coog ne ko m-mer, um nepste bo um he o-zak à, ko um ro o-kwum ne ko da-o ur-koob. ¹³ Man hoks m-nom un ko yo ke rii-yo, remen **Kiristi**, ya'ag me ur-beeb. ¹⁴ Myet un kaane ne, me ur-bongon bo no me m-gu m-moka bo me un swo ur-koob à. ¹⁵ No ya-o-Piripi no nepste ur-takan yo um he no m-rure à, bo um nape yo à. Ur-takan, da-o no hoge **Ma-to m-Rerem** à, to ma Yeso **Kiristi**, wu um rwoŕe ma-to un wu à, da-o um rwuune um yagne dak-o no o-Makidoniya, yatt **yan-dor Yeso** ye gu me un hwor ne remen yo um cone á, se no cot. ¹⁶ Ko da-o um ro'e o-Tasaronika, n-me un dak-o o-Makidoniya, no tomsunte me yar-mo un hwor ba o-gaan á, amba o-yoor, da-o um cone gwu à.*† ¹⁷ Ba remen um conog no 'ye me m-yar á, amba um conog no 'ye m-yar remen Shir topoté no. ¹⁸ Nap no unze yo no tomnunte me à woonte be un de, komo yo aragte bo um cone à, cin da-o Eparaditus hante me ka sawto no tomonte wu à. Ya ro sa o zee no ya'ag Shir now-mo m-shi'igin, mo ur-**seke**, Shir gokste, komo wu hogute m-rerem.‡ ¹⁹ Komo Shir wu me un dor à, wua 'ye no myet rii-yo he no m-gu un she'et-ur no à. Wua nom yo ur-hur sak un mok-o un wu, o-kwum ne un **Kiristi**, Yeso. ²⁰ Koyanda, a sekemse no Shir, Tato na n-Ton ba ur-ma. Shir zee kaane!

* **Bor-uş nass:16** 4:15-16 Hyen komo: 2Kor 11:9. † **Bor-uş nass:16** 4:16 Hyen komo: Seng 17:1. ‡ **Bor-uş nass:18** 4:18 Hyen komo: Rwu 29:18.

Gas-de ɔr-buste

²¹ Gas nɔ bɔ ɔn wu gɔkse wu sher ɔn Yeso **Kiristi** à. Ɔr re ne, yan-dor, ye rɔ me m-gu kaane à, ye tombute gas-de ɔn ye be-ɔr nɔ. ²² Kap yan-dor ye Shir, ye rɔ ɔn ka bɔ-o à, ye rɔ nɔ m-gas ɔn ka guw-ne ye ne, ye rɔ ɔn hur-o ɔn ko-Gwomo **Sisar** à.

²³ Me ɔs-kɔn be-ɔr Wan-Koyan Yeso **Kiristi**, wu 'ye nɔ ɔr-hɔ kap.

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022

4b40cd80-7cb8-5d3d-8563-557f030f99d7